

# **Landesbibliothek Oldenburg**

**Digitalisierung von Drucken**

**Henr. Ioh. Nepom. Crantz S.C.A. Maiestat. Consiliar.  
Institut. Med. Et Mater. Medic. Vindob. Profes. Pub. Ord.  
Acad. Imp. Nat. Curios. Et Societ. Botan. Flor. Sodal.  
Materiæ Medicæ Et Chirurgicæ ...**

**Crantz, Heinrich Johann Nepomuk**

**[Wien], 1765**

Vorwort

**urn:nbn:de:gbv:45:1-10178**

*ILLUSTRISIME*

*AC*

*CELEBERRIME VIR.*



*Et hæc altera est, quam  
beneficiorum in me col-  
latorum dudum TIBI decrevi, opta-  
ta gratulatio! in qua nihil felicius,  
nihil animo meo magis accommodatum  
accidere posse prævidebam, quam quod*

*) 3*

*et*



*et gratus esse deberem, et palam dicere possem.*

*Nam etsi TU humilitate prope-  
modum nimia, in iis, quos cumulatis  
arctissime TIBI devinxisti benefi-  
ciis, gratitudinis vocem continuo com-  
primis, et memori in mente leve facti  
vestigium, quod expunctum potius cu-  
peres, superesse velis, id in mea hac  
causa, crudelior quam generosior con-  
tendere non potes.*

*Equidem neque ego, aut quæ mi-  
hi aliis præclare fecisti, quanquam  
deberem, in vulgus indicare unquam  
hic constituo, aut impudenter me ama-  
re,*



re, et in capite libri **TUO NO-**  
**MINI** sacri licentiosius me **TIBI**  
laudare, aut demum fcede **TE** adula-  
ri volo aut possum: ut enim prius a  
viribus, ita posterius a voluntate in  
integrum abest, et omni ingenuo viro,  
tum maxime austero Luxemburgo in-  
dignum; sed id solum in lucem protra-  
here gestio, Paterna pene cura **TE**  
meo præfuisse studio, *Artem huma-*  
*næ saluti sacram non solum meis*  
*TE* infudisse auribus, sed et ita ani-  
mo inscripsisse, ut, quæ quidem ego  
hodie et limata et exquisita proferre  
possum, **TUA** esse clare intelli-  
gantur.



*Quæ cum ita sint, me, nec animi  
TUI gravitas prohibere voce, nec  
magnitudo, quo minus honoratus sis,  
interpellare possunt, nec, si demum  
TIBI Religio cordi est, unquam  
debent.*

*Etenim eo severitatis haud progre-  
di TU potes, ut me et falsum, dum  
sanctè promisi, me eos, qui me Ar-  
tem Medicam docuerunt, in eaque  
instituerunt & promoverunt, paren-  
tum loco habiturum & honoratu-  
rum, iurasse velis, et TUO labore  
partam gloriam intercipere cogas;  
hoc enim etiamsi optares, imo iüberes,  
ego*



ego sane haud sustinerem, nec obedi-  
rem, cum eo semper sim iure, ut et  
honestæ et bonæ causæ indeclinabi-  
lem, qui nec minimum quidem de  
ea alteri concedat, offeram animum.

Quapropter pro summo meo iu-  
re, et honorem *TIBI* a Discipulo  
haberi hodie, et gratias olim clan-  
culum solum habitas, et per furtum  
hinc inde actas, cum pro rerum alia-  
rum magnitudine, quas gessisti, tum  
pro mea imprimis institutione nunc  
*TIBI* persolvi etiam invitus pati  
debes; et æquo, crede mihi IL-  
LUSTRISSIME *van SWIETEN*,

) 5

id



id semel, cum et ex antiquissimo et  
candidissimo affectu persolvantur, pa-  
tere animo; alias etiam ego iam  
minus mitis, T U O severus magis  
exemplo, pro eodem meo iure, ad ca-  
piendam qualemcunque ex hoc, quod  
T I B I inscribo, opere laudem, T E  
cogam adigamque. Quid enim in  
illo est, et grave et ponderosum,  
quod T U U M non sit? quod non  
sit ex T U I S collegiis exscriptum,  
aut demum sic inter colloquendum, a  
T E profectum? ut mei Discipuli  
non mihi, sed T I B I obstricti esse  
debeant. Sed nonne maluisses hæc  
in publicum haud efferi? et T U A  
et



et mea culpa est: cur TU adeo pa-  
rum laudis cupidus, ego TU Æ  
amans?

Postremo annuos Discipulorum, et  
quod egregii sint, et amari merean-  
tur, labores TIBI plurimum com-  
mendo, non adeo me ipsum, aut meos:  
sive enim munus officii ad amissum  
exequar, nec laude aliqua, nec re-  
commendatione maiori dignus, fidem  
datam solum libero; sive non exacte  
adimpleam, exprobrationem et odium  
merui; illi vero nec publici muneris  
vi adstricti, nec ulla lege coacti, sed  
ab omnibus conditionibus vacui, sua  
spon-



Sponte, omni cura studioque in Me-  
dicarum rerum cognitionem ita ra-  
piuntur, ut et studii Professores ad-  
moneant, et aliquando ad id etiam  
cogant. Non sine summa animi vo-  
luptate recordor præmaturorum in  
studiis progressum THA. BAYER,  
PHIL. MARHERR, A. KRAM-  
MÉR, quos TU IPSE in examini-  
bus miratus. Maximo cum oblecta-  
mento sæpius lego illud a perspicua-  
cissimo MARHERR de Actione mus-  
culorum solutum problema cathedra di-  
gnum; hos si TU amore, beneficiis  
complectaris, ut soles et debes, ultra  
expectationem mihi gratificaris.

MATE-



MATERIAE MEDICAE  
ET  
CHIRURGICAE  
CONSPPECTUS

---

Tom. I.

Classis I. Cardiacorum nutrientium	pag.	1
Cerealia		1
Legumina		12
Olera		17
Radices		18
Fructus		35
Animalia		62
1. Mammalia		63
2. Aves		67
3. Amphibia		77
4. Pisces		80
5. Insecta		88
6. Vermes		89
7. Animalium producta		91
Potus		104
II. Cardiacorum nerveorum		107
Vis electrica		107
Animalium exhalationes		111
Terrae exhalationes		112
Vegetabilium grati vapores		114

Classis